

пройти или от желчи сладости, сице не возможно ест и от нечестиваго проити истинѣ, сѣдалище бо и жилище суще самого сатаны, отца лганіи, ест нечестиваго сердце. Подобаше убо сих ради никако же вѣрити таковым, но всегда брежнымъ быти от сих и дарованіемъ великим и сицевым почитаніемъ не сподобляти, занеже еже паче достой(н)ства почитати досажденіе съдѣловаетъ; но доволно им ест еже ничтоже зло от нас чаати, донележе мир с нами обლობызают. Аще же начинают распри и брани, не уступити им претящим, но бога зрителя дрѣмым (sic) положив'ше, оружія противу их взяти съ надеждою, яже къ вышнему, и молитвами преподобных мужей вѣоружившесе (л. 78) и благотвореніи, яже къ подвластным, аще нѣкоим образом быхом предстуживше их. Да не вознимъ бо, яко неправеденъ богъ наносяи гнѣвъ, буди далече от нас таковый неподобный разум. «Богъ бо, рече, судіа праведенъ и крѣпокъ и долготрѣпеливъ и не наводя гнѣвъ по вся дни» и прочаа, но паче убоимся его и благодарим о всѣх его устроеніи. Но тѣм сице имѣющимся и съдѣяннымъ добро и зѣло нужно ест къ будущему утвердити себе и в день и в ночь попечение творити, како вышняго молитва себе сътворим. да будет споспѣшник нам и покровитель въ всяком дѣле, еже аще съдѣловати въсхопемъ. Не возможно бо инако избавитися нам от воставших на ны зол, аще мѣдію и желѣзомъ град наших оградим, аще и всякое окіанское множество тамошних людій вѣоружим. И да извѣстит нас блаженный Давыд, по толицех на иноплеменники побѣдах глаголя: «Не на лукъ бо мой уповати буду і оружие мое не спасеть мене». Но что глаголетъ: «Сътворим силу о господѣ, и той уничтожит стужающаа нас». Къ сим буди нам вѣдомо, яко варварскаяа несытость и лихоимство, единою вкусивши наших кровей, съ многым безбоязніемъ не престанет, ниже отступит навѣтующи нам разными образы и пре(л. 78 об.)тящи и гордящися на ны, понеже и мучителя имат другого супостата нашего великими и множайшими дары подвизающа его на ны. Нъ суетень въ истину онъ и вел'ми безумен ест и не вѣст окаанный, яко и елико¹ того паче дарми насыпляет, толико на себе раззвѣрит и горшаго съдѣловаетъ. Того ради подобаетъ зде разумно и хитростію дѣлати вещь и добрѣ устроити и противу мѣры силы нашеа. Противу бо обоих мучителей стояти неудобно, но и зело пагубно, да не глаголю невѣзможно ест, занеже и третій волкъ превозношается на ны. Глаголю же во проклятій град Казан гнѣздствующа зміа. Но сего убо удобно ест нам от гнезда отгнати, аще всякое замѣдлѣніе отложивше, нападем нань скоро, донележе отиди (sic) не чаемъ себѣ иное варварское нахождение. И аще про Христа

¹ Испр., в рукоп.: еяко.